

齐家治国平天下语录系列



孔子 孟子

处世语录



海南国际新闻出版中心

前 言

孔子(前 551——前 479 年),名丘,字仲尼,春秋时鲁国陬邑(今山东曲阜)人。以他的学说为核心的儒家思想,是我国封建社会的统治思想,历代封建统治者也尊奉他为至圣先师。孔子的学说以“仁”与“礼”为核心,宣扬忠君、孝亲、悌友、爱众、亲仁谨信,提倡学而知之,修养上坚持反身自省等。孟子(约前 372——前 289 年),名轲,字子舆,战国时邹人,是孔子再传弟子子思的门徒。学宗孔子,其处世学说,力主“性善说”,强调养心、存心等内心修养功夫,为宋代理学家心性说之本。荀子(约前 313——前 238 年),名况,字卿,后人亦称他为荀卿或孙卿,战国末赵国

人，是先秦时期唯物主义哲学的集大成者。其学认为人性恶，认为环境和礼义教育对人有决定性的影响，因而教人安分守己，循规蹈矩。董仲舒（前179——前104年），西汉哲学家，今文经学大师，广川（今山东枣强县东）人。专攻《春秋公羊传》。他的“天人三策”被汉武帝采纳，开此后两千余年封建社会以儒学为正统的先声。他的学说以儒家宗法思想为中心，杂以阴阳五行说，融神权、君权、父权、夫权、于一炉，形成封建神学体系。为了使广大读者了解儒家大师孔子、孟子、荀子以及董仲舒在处世方面的理论主张，我们选编了这本语录。不妥之处，请读者批评。

编者

目 录

前言

孔子

- 一 励修德操 3
- 二 学而不厌 13
- 三 善养自身 18
- 四 和睦互助 34
- 五 孝悌人伦 38
- 六 君子之风 44

孟子

- 一 励修德操 65
- 二 学而不厌 74
- 三 善养自身 78
- 四 和睦互助 91

| | | |
|----|------|-----|
| 五 | 孝悌人伦 | 96 |
| 六 | 君子之风 | 104 |
| 附一 | 荀子 | |
| 一 | 励修德操 | 117 |
| 二 | 学而不厌 | 121 |
| 三 | 善养自身 | 125 |
| 四 | 和睦互助 | 132 |
| 五 | 孝悌人伦 | 135 |
| 六 | 君子之风 | 138 |
| 附二 | 董仲舒 | |
| 一 | 励修德操 | 145 |
| 二 | 学而不厌 | 149 |
| 三 | 善养自身 | 151 |
| 四 | 和睦互助 | 156 |
| 五 | 孝悌人伦 | 158 |
| 六 | 君子之风 | 160 |

孔子及其弟子
处世语录

一 勵修德操

巧言令色，鮮矣仁。

視其所以，觀其所由，察其所安。
人焉廋哉？人焉廋哉？

人而無信，不知其可也。大車無
輓，小車無軌，其何以行之哉？

人而不仁，如禮何？人而不仁，如
樂何？

不仁者不可以久處約，不可以長
處樂。仁者安仁，知者利仁。

苟志于仁矣，无恶也。

道不同，不相为谋。

我未见好仁者，恶不仁者。好仁者，无以尚之；恶不仁者，其为仁矣，不使不仁者加乎其身。有能一日用其力于仁矣乎？我未见力不足者。盖有之矣，我未之见也。

人之过也，各于其党。观过，斯知仁矣。

士志于道，而耻恶衣恶食者，未足与议也。

回也，其心三月不违仁，其余则日月而已矣。

人之生也直，罔之生也幸而免。

富而可求也，虽执鞭之士，吾亦

为之。如不可求，从吾所好。

仁远乎哉？我欲仁，斯仁至矣。

如有周公之才之美，使骄且吝，
其余不足观也已。

三年学，不至于谷，不易得也。

吾未见好德如好色者也。

先进于礼乐，野人也；后进于礼
乐，君子也。如用之，则吾从先进。

不践迹，亦不入于室。

论笃是与，君子者乎？色庄者乎？

克己复礼为仁。一日克己复礼，
天下归仁焉。为仁由己，而由人乎哉？

非礼勿视，非礼勿听，非礼勿言，

非礼勿动。

先事后得，非崇德与？攻其恶，无攻人之恶，非修慝与？一朝之忿，忘其身，以及其亲，非惑与？

切切偲偲，怡怡如也，可谓士矣。
朋友切切偲偲，兄弟怡怡。

刚、毅、木、讷近仁。

有德者必有言，有言者不必有德。
仁者必有勇，勇者不必有仁。

骥不称其力，称其德也。

工欲善其事，必先利其器。居是邦也，事其大夫之贤者，友其士之仁者。

志士仁人，无求生以害仁，有杀身以成仁。

由！知德者鲜矣。

巧言乱德。小不忍，则乱大谋。

人能弘道，非道弘人。

当仁，不让于师。

乡原，德之贼也。

礼云礼云，玉帛云乎哉？乐云乐云，钟鼓云乎哉？

巧言令色，鲜矣仁。

道听而途说，德之弃也。

年四十而见恶焉，其终也已。

有物必有则，民之秉彝也，故好是懿德。

过我门而不入我室，我不憾焉者，其唯乡原乎！乡原，德之贱也。

大学之道，在明明德，在亲民，在止于至善。

知止而后有定，定而后能静，静而后能安，安而后能虑，虑而后能得。

物有本末，事有终始。知所先后，则近道矣。

听讼，吾犹人也，必也使无讼乎！无情者，不得尽其辞。大畏民志。此谓知本。

百工居肆以成其事，君子学以致其道。

君子先慎乎德。有德此有人，有人此有土，有土此有财，有财此有用。

德者，本也；财者，末也。外本内末，争民施夺。是故财聚则民散，财散则民聚。是故言悖逆而出者，亦悖而入。货悖而入者，亦悖而出。

以能问于不能，以多问于寡；有若无，实若虚，犯而不校。昔者吾友尝从事于斯矣。

鬼神之为德，其盛矣乎！视之而弗见，听之而弗闻，体物而不可遗，使天下之人，齐明盛服，以承祭祀。洋洋乎，如在其上，如在其左右。

失微之显，诚之不可掩，如此大。

（铜鞮伯华）其幼也，敏而好学；其壮也，有勇而不屈；其老也，有道而能以下人。

今程子，天下之贤士也。于是不赠，终身不见。大德毋逾闲，小德出入

可也。

自季孙之赐我千钟而友益亲，自南宮敬叔之乘我车也而道加行。故道有时而后重，有执而后行。微夫二子之赐，丘之道几于废也。

人君不困不成王，烈士不困不成行。

困之为道，从寒之及暖，暖之及寒也。唯贤者独知而难言之也。

不观于高岸，何以知颠坠之患；不临于深渊，何以知没溺之患；不现于海上，何以知风波之患。失之者，其不在此乎？

夫所谓至圣之士，必见进退之利、屈伸之用者也。

水而尚可以忠信义久而身亲之，

况于人乎？

巧而好度必工，勇而好同必胜，
知而好谋必成。愚者反是。

终日言，不遗己之忧；终日行，不
遗己之患，唯智者有之。故恐惧所以
除患也，不可所以避难也；终身为之，
一言败之，可不慎乎？

以富贵为人下者，何人不与；以
富贵敬爱人者，何人不亲。众言不逆，
可谓知言矣；众向之，可谓知时矣。

夫富而能富人者，欲贫而不可得
也；贵而贵人者，欲贱而不可得也；达
而能达人者，欲穷而不可得也。

成人之行，达乎情性之理，通乎
物类之变，知幽明之故，睹游气之源，
若此而可谓成人。即知天道，行躬以
仁义，飭身以礼乐，夫仁义、礼乐，成

人之行也。

士不可以不弘毅，任重而道远。仁以为己任，不亦重乎？死而后已，不亦远乎？

贤贤易色，事父母能竭其力；事君能致其身；与朋友交言而有信。虽曰未学，吾谓之学矣。